

ԾԱՆՈՒՑՈՒՄՆ

Ի ՎԱՐՁՈՒԹԵՆԷ ԶԵՄԱՐԱՆԻ

—

1. Քննութիւնք ընդունելութեան յաշակերտութիւն Ղեմարանի Մայր Ըթողոյս Սրբոյ Էջմիածնի կատարին մի անգամ և եթ ի տարւոյ և այն աւուրքք ինչ յառաջ քան զսկիզբն ուսումնական տարւոյ:

2. Յանկացողք մտանել յաշակերտութիւն Ղեմարանիս մատուցեն խնդիր յանուն Վեհափառ Վաթուղիկոսին, ոչ անագան քան զմին Յուլիս ամսոյ:

3. Ընդ խնդրագրին պարտէ առաջի առնել զվկայագիրս ուսման, բարի վարուց, ծննդեան և մկրտութեան և պատուաստման ծաղկի:

4. Նորեկ աշակերտք և ուսանողք զմին ի բժշկէ Ղեմարանիս, որ և տայ Տեսչին զգրաւոր տեղեկութիւն զառողջութենէ նոցա:

5. Ի դպրոցական դասարանս ընկալեալ լինին առհասարակ ուսեալքն ի վարժարանս և կամ հրահանգեալքն առտնին կրթութեամբ, իսկ յառաջին լսարան Ղեմարանիս՝ նոքա միայն, որք ունին վկայագիր աւարտման դպրոցական դասընթացից:

6. Յետ կանոնաւոր հարցաքննութեան ընկալցին յաշակերտութիւն յամենայն դասարանս Ղեմարանիս. իսկ վասն մտանելոյ յԱռաջին լսարան՝ ենթարկեացին հարցաքննութեան յայն յամենայն աւարկայս՝ զորս կարեւոր համարիցի Ուսումնական Խորհուրդն:

Ծանօթութիւն. Վասն մտանելոյ յԳ. դասարան պահանջի անթերի գիտութիւն դասընթացից երկուսն եկեղեցական ծխական ուսումնարանաց. իսկ վասն մտանելոյ իմիւս դասարանս աշակերտք պարտին քննիլ ըստ ծրագրի հաստատելոյ ի Վեհափառ Վաթուղիկոսէն, ի պէտս Բեմական դպրոցաց:

7. Յանկացողք մտանել յառաջին լսարան

Ղեմարանիս վկայագրով աւարտման դպրոցական դասընթացից, վերստին ունին ենթարկիլ հարցաքննութեան յամենայն առարկայս, եւնէ զիստեալ ինչէ ի վերայ առաւել քան զայս:

8. Յետ հարցաքննութեան ընկալեալ լիցին ի շարս աշակերտաց՝ որք արժանաւոր դատիցին յՈւսումնական Խորհրդոյն:

Ծանօթութիւն. Պահանջի՝ զի ընկալեալքն յաշակերտութիւն՝ լիցին ուշեմք, երկարողիք, փափկաձայնք, բարեկազմք և բարեբարոյք:

9. յԳ. դասարան Ղեմարանին ընկալեալ լիցին պատանիք 14—16 ամեայ, և ըստ այսմ համեմատութեան ի յաշորդ դասարանս:

10. Աշակերտք Ղեմարանի գիշերօթիկք են ամենեքեան, թէ ճրիավարժքն և թէ թոշակատուքն, որք ստանան զուսումն, սնունդ, հագուստ և զամենայն առողջապահական խնամս:

11. Թիւ ճրիավարժից, որ ի հաշիւ Սայր Աթոռոյս, որոշի ամ ըստ ամէ, ըստ բարեհաճ կարգադրութեան Աւհափառ Կաթողիկոսի:

12. Աշակերտեալքն պարտին կանխաւ մատուցանել ի գրաւ՝ յայսկոյս կովկասեանք 50 ռուբլիս, իսկ եկեալքն յայլոց վիճակաց Ռուսաստանի կամ ի տար աշխարհաց՝ ռուբլիս 75, որպէս զի հատուցի այդ ի ծախս վերադարձի նոցա ի հայրենիս, ևս և ի գին կորուսեալ և վատնեալ գրենոյ, հանդերձեղինաց և այլոց իրեղինաց:

13. Իւրաքանչիւր թոշակատու վճարեսցէ ի տարին ռուբլիս 200, ի կրկին նուագա. ի Սեպտեմբեր և ի Յունուար ամիսս:

14. Եթէ թոշակատու դք ելցէ կամ արձակիցի մինչև բոլորեալ ուսումնական կիսամեկին, գրաւական նորա ոչ դարձուցի յետս:

15. Յամառնային արձակուրդս, եթէ ծնողք կամ բարերարք կամիցին տանել զորդիս իւրեանց ի հայրենիս, ծախք երթևեկութեանց նոցա լիցին ի ծնողաց կամ ի բարերարաց: